

## AI 阿姨有夠勢

林虹好

聽講這幾年有一个足勢的阿姨，真正是衝甲掠袂牢，佇咱的生活中嘛定定看看會著伊，而且伊跤手猛醒、耐操好用，做代誌閣無啥會重耽，會使講家家戶戶攞捌伊，猶毋過你可能毋知影伊的名。這個轟動武林、驚動萬教的阿姨到底是啥人咧？

原來逐家攞叫伊『AI』，嘛有人叫伊「人工智慧」，主要就是予機器像人類全款，會有自我思考恰學習的能力。其實伊無性別，按呢是按怎我欲叫伊阿姨咧？因為頭先看著這兩字，感覺恰咱臺羅拼音的「阿姨」閣真相閣，規氣就共叫做「AI 阿姨」，嘛呼應人工智慧親像人全款的感覺，想想咧閣不止仔心適。

2. 人工智慧的意思聽著敢若真複雜，其實咱攞無發現，這個 AI 阿姨早就用無全款的形式佇咱的身軀邊出現矣，親像掃塗跤機器人，抑是隨咻隨應的手機仔語音助理，遮的攞是應用這個技術。以前有一支電視廣告講：「電腦嘛會揀塗豆喔！就是咧講伊厲害的分辨能力，毋管是傷細粒子、歹看面的，若是拄著伊，全部攞會當共伊 giat-láu 掉奮斗，真正做甲比人類閣較頂真閣幼路！

最近閣較勢的是，這個 AI 阿姨連講臺灣台語嘛會通呢！

若是拄著外國人講英語，透過伊的翻譯，嘛會當共英語翻做臺灣台語，逐家就算語言袂通，若有伊的幫贊就任考不倒！

猶毋過 AI 其實已經存在幾若十冬矣，是按怎這幾冬逐家才愈來愈注重伊咧？這是因為伊的技術那來那進步，能力嘛愈來愈強。上好的例就是 2023 年，佇瑞士舉辦全球第一場的 AI 機器人記者會，有記者問機器人：「你敢有可能會造反？」彼个機器人竟然參人全款有表情恰情緒，馬上就對記者反白睏。雖然干焦是簡單一个眼神，毋過這嘛代表咱袂當無注重這個問題，若無是會林投葉拭尻川——去倒裂。

未來若是人工智慧愈來愈發展，雖罔咱的生活會加真便利，不而過這嘛代表伊會愈來愈巧，甚至有可能最後想欲取代人類。往過的電影嘛捌搬過這款劇情，這嘛是值得咱全人類去思考的問題。

2 篇選文，共 4 大段，抽到哪段  
唸哪段，直到 2 分鐘鈴響即下台。

### 是真的？抑是假的？

陳惠珠

3 咧欲過年矣，愈倚年節，菜市仔買物件的人就愈濟，真正是鬧猜猜。因仔人愛綴路，阮綴阿母去菜市仔鬥鬧熱，順繼共阿母鬥掙菜。菜市仔人映人，滿四界攏是喝賣的聲，鬧熱滾滾。我緊共阿母柑牢牢，若無，拍毋見就慫揣矣。

菜擔、果子擔、雜貨仔擔……逐項都有，免驚買無。阮攬來到果子擔，阿母講欲買幾粒仔棗仔通好佇過年的時拜拜。頭家講伊的棗仔大粒閣甜物物，著愛配白滾水食。看伊講甲喙角專泡，袂輸摻糖全款遐爾仔甜，正經是家己褒較袂臭臊。逐家相挨相啖下性命買，敢若驚會買無咧，落尾閣愛相爭結數。頭家無閒頃頃，那收錢那笑甲喙仔裂獅獅。阿母提一千箍予頭家找，提著找錢，阮就緊啖出去覓別擔、買別物。

4 買甲險險仔掙袂去，雖罔是寒天，毋過阮規身軀大粒汗、細粒汗，想欲較緊轉去厝裡小歇睏一下。無疑悟阿母英雄喝一聲：「哪會按呢？」我緊走去看是發生啥物代誌。阿母手提一張五百箍的講：「這敢若是假的呢！」我緊共提過來斟酌看，毋知佗位怪怪，若像毋是真的。

阮隨上網去中央銀行的網站，查看按怎認紙票的真假。輕輕仔轉紙票的角度，倒引下仔的數字五百，本底是金色

會變做青色。沓沓仔轉楚，變色的安全線會有七彩光影的變化，頂頭會出現五百的字樣。用手指頭仔摸紙票倒引頂仔、倒引下仔恰正引下仔，會感覺五百的字撲撲。共紙票因佇電火下跤，會當看著竹仔恰五百的水印。

用誠濟方法檢查，繩規晡了後，阮發覺這張五百箍的應該毋是真的。阿母足細膩看幾若改閣摸摸幾若擺，紙票有較皺一寡仔，不而過愈看是愈成真的，伊才穩心仔共彼張五百箍的囷入去皮包仔內底。

隔轉工阮母仔困做陣出門，行到火車頭欲拆票的時陣，阿母心肝內小可仔膽膽，提彼張五百箍的欲予服務人員找，我目睭睭睭看，綴咧有淡薄仔驚驚。想袂到人連看都無斟酌就共錢收去矣，閣隨找錢予阿母。諄！別人看彼張五百箍的真正常嘛，按呢阮到底是佇咧緊張啥？誠實是加煩惱的！

2 篇選文，共4大段，抽到哪段唸哪段，直到2分鐘鈴響，即下台。